

歷朝名人詞選

歷朝名人詞選卷十二目次

長調

齊天樂 八首 又名臺城路 如此江山

瑤花 一首

曲遊春 一首

鬪百草 一首

慶春宮 一首

宴清都 一首 又名四代好

湘春夜月 二首

石州慢 二首 又名柳色黃

畫錦堂 一首

霓裳中序 一首

龍山會 一首

澡蘭香 一首

春雲怨 一首

雨零鈴 二首

眉嫵 二首 又名百宜嬌

探春 一首

綺羅香 七首

霜花映 一首

月中桂 一首

花心動 一首

永遇樂 三首 又名消息

春從天上來 一首

送入我門來 一首

瀟湘逢故人 一首

歸朝歡 一首 又名萑蒲緣

南浦 二首

合歡帶 一首

尉遲杯 一首

解連環 一首 卽望梅 又名杏梁燕 玉聯環

望湘人 一首

望海潮 一首

折紅梅 一首



歷朝名人詞選卷十二

清綺軒原本

華亭夏秉衡選

長調

齊天樂

蟋蟀

宋姜夔

庚郎先自吟愁賦。淒淒更聞私語。露濕銅鋪。苔侵石井。都是曾聽伊處。哀音似訴。正思婦無眠。起尋機杼。曲曲屏山。夜涼獨自甚情緒。西窗又吹暗雨。爲誰頻斷續。相和砧杵。候館吟秋。離宮弔月。別有傷心無數。幽詩漫與。笑籬落呼燈。世閒兒女。寫入琴絲。一聲聲更苦。

蟬

王沂孫

綠槐千樹。西窗悄。厭厭晝眠驚睡。飲露身輕。吟風翅薄。半剪冰箋誰寄。淒涼倦耳。漫重拂琴絲。怕尋冠珥。短夢深宮。向人猶自訴憔悴。

殘紅收盡過雨晚來頻斷續。都是秋意。病葉難留。纖柯易老。空憶斜陽身世。窗明月碎。怎已絕餘音。尙遺枯銳。鬢影參差。斷魂清鏡裏。

前題

練恕可

蛻仙飛珮。流空遠。珊珊數聲林杪。薄暑眠輕。濃陰聽久。勾引淒涼。多少長吟未了。想猶怯高寒。又移深窈。與整綃衣。滿身風露。正清曉。微熏庭院。晝永。那回曾記得。如訴幽抱。斷響難尋。餘悲獨省。葉底還驚秋早。齊宮路杳。歎事往魂消。夜閒人悄。漫想輕盈。粉奩雙鬢好。

白髮

史達祖

秋風早入。潘郎鬢斑斑。遽驚如許。暖雪侵梳。晴絲拂領。栽滿愁城深處。瑤簪漫妒。便差插宮花。自憐衰暮。尙想春情。舊吟淒斷。茂陵女人。閒公道。惟此歎朱顏也。恁容易。隳去。涅了重緇。搔來更短。方悔風流相誤。郎潛幾縷。漸疎了銅駝。俊遊儔侶。縱有黶黶。奈何詩思苦。

席上

元劉天迪

瑞麟香軟飛瑤席。吟仙笑陪歡宴。桐影吹香，梅陰弄碧。一味晚涼堪薦。停杯緩勸。記羅帕求詩，琵琶遮面。十載揚州夢，回前事，楚雲遠。人生總是逆旅。但相逢一笑，如此何限。采石宮袍，沈香醉筆，何似輕衫小扇。流年暗換。甚新雨情懷，故園心眼。明日西江斜陽帆影轉。

秋聲

本朝查嗣璣

西風瑟瑟涼歸候。孤燈自搖窗戶。蛩轉花欄，蟬休葉院，添灑芭蕉絲雨。纔聽又住。正澹月朦朧，微雲來去。簌簌空廊，依稀人在繡簾語。多應枕畔愁絕。厭二十五更，好夢頻誤。響玉池邊，飄梧井畔，一片難分竹樹。零礎斷杵，更空外飛來，和成淒楚。別有傷心，天涯驚倦旅。

蟋蟀

徐允貞

淒淒只是驚秋暮。何堪晚年疎雨。曲徑煙迷，橫塘草冷，還訴別離情。

緒金籠暗鎖。正長信、堦前苔封輦路。吟徧黃昏，銷魂最是五更霧。
征衣欲寄何處。聽聲聲、斷續急赴機杼。幾度銀缸低徊，玉枕聞罷不
禁淒楚。閒尋舊譜，看畫閣、平章漫爭勝。負莫待、西風近。蘭狀絮語。

咏蓮蓬

黃之雋

風清露冷無人處。枝枝素波扶起。羽、淺斜擎。蜂窠側挂。拗入采蓮艇。
子涼生粉袂。是細摺輕挑。最宜纖指。顆顆勻圓。翠盤渾嵌一痕水。
當時紅艷謝了。碧筩剛折。取猶帶香氣。多少空房沈吟。漫擘惹動愁
蛾情事。阿誰相戲。道略似人形。綠衣黃裏。洗硯池邊好將墨繡洗。

瑤花

白丁香

本朝
王頊齡

姍姍玉骨。行雨初回。住水晶宮闕。東風料峭。吹不散、千種閒愁如纈。
輕彈珠淚。被粉翅濕粘。飛蝶想廣寒舞罷。霓裳瘦影倦。飄香雪。低

徊斜拂闌干似賜浴華清嬌盈啼靨冰肌約綽舒皓腕偷綰同心雙
結瑤臺玉砌差印得湘妃寶屐到晚來同夢梨花一樣澹粧輕抹

曲遊春

遊西湖

宋 周密

禁苑東風外。颺煖絲晴絮。春思如織。燕約鶯期惱芳情。偏在翠深紅
隙。漠漠香塵隔。沸十里亂絲叢。笛看畫船盡入西冷。卻半湖春色。
柳陌新煙凝碧。映簾底宮眉堤上遊勒。輕暝籠煙怕梨雲夢冷。杏
香愁冪。歌管酬寒食。奈蜨怨良宵岑寂。正恁醉月搖花。怎生去得。

鬪百草

雨中芍藥

黃之雋

恣意暄妍片雲濃處天無賴。做雨成絲弄花如水。幾度斜飄密洒。一
枝枝是酒後愁情浴餘困態向碧玉欄邊妖嬈側倚鞦韆低黛應

恨繁華遲暮。生未逢春九十韶。光輝不在。腮影香沾。淚痕珠溼。爲憐伊將離識。改休持贈。牢抱芳心。風前耐晚晴外。約佳人玉纖試採。

慶春宮

三絃

本朝

錢芳標

瘦似燒槽。輕於焦尾。誰雕四尺香檀。分軫難均。排絲有序。數來偶外。餘單文蛇蛻薄。試春筍。低挑漫彈。天生配合。紫竹紅牙。共話悲歡。教師翎雀新翻。腕底分明。滾出珠盤。畫舸攜將。石場賽去。平章錦隊。花擅十條刪卻。厭箏柱。素聲太繁。羨他僥倖。貼近裙腰。小鼓團圓。

宴清都

螢火

本朝

彭孫遜

四壁秋聲靜。疎簾外。數點飛來。破暝輕沾。葉露暗棲。花蕊亂翻。銀井有時團扇驚迴。又巧坐人衣相映。空自抱熠燿微光。願增照金樞景。

幾番去傍深林。來穿小幔。高低不定。隨風欲墮。帶雨猶明。流輝耿耿。隨家宮苑。何在腐草。於今無片影。向山堂。且伴幽人。琴書清冷。

湘春夜月

春思

宋 黃孝邁

近清明。翠禽枝上消魂。可惜一片清歌。都付與黃昏。欲共柳花低訴。怕柳花輕薄。不解傷春。念楚鄉旅宿。柔情別緒。誰與溫存。空樽夜泣。青山不語。殘月當門。翠玉樓前。惟是有一波湘水。搖蕩湘雲。天長夢短。問恁時重見。桃根。這次第。算人閒。沒箇并刀。剪斷心上愁痕。

池上

本朝 柯 煜

小池塘。霎時雨過。蒼茫爲笑。滿院薰風。只是亂紅裳。幾點蜻蜓。翡翠。回釣絲。衣桁鬪盡。輕揚碧闌。干低處。紅魚紺蜨。儘帶幽香。雙雙乳燕。並來波面。幾度迴翔。何處清音。是靜裏林蟬。初噪遠隔。垂楊鷺拳。

一足立晴沙似愛新涼。這次第、算花閒越女來時、憎殺曲岸鴛鴦。

石州慢

感舊

宋 張元幹

寒水依痕。春意漸回。沙際煙濶。溪梅晴照。生香冷蕊。數枝爭發。天涯
舊恨。試看幾許銷魂。長亭門外。山重疊不盡。眼中青是愁來時節。
情切。畫樓深閉。想見東風。暗消肌雪。辜負枕前雲雨。樽前花月。心期
切處。更有多少淒涼。殷勤留與歸時說。到得再相逢。恰經年離別。

客況

本朝 顧貞觀

一月長河。奈望崎嶇。玉京難卽。滿身風露。蓬窗潛啟。夜寒凝立。不如
歸去。從教錦纜牙檣。釣絲莫負。秋江碧。何事訪支磯。悔乘槎踪跡。
淒絕無端。閱盡水驛荒葭。離亭殘笛。只得幾行官柳。似曾相識。琵琶
孤咽。那須月落回船。曲終纔下。香山泣。青鏡待重看。有霜華堪織。

畫錦堂

閨情

宋周邦彥

雨洗桃花風飄柳絮。日日飛滿雕簷。懊惱一春幽恨。盡屬眉尖。愁聞
雙飛新燕語。更堪孤枕宿醒忪。雲鬢亂。獨步畫堂。輕風暗觸珠簾。
多厭晴晝永。瓊戶悄。香銷金獸。慵添。自與蕭郎別後。事事俱嫌。短歌
新曲無心理。鳳簫龍管不曾拈。空惆悵。長是每年三月。病酒慳慳。
霓裳中序

古鏡

元詹正

一規古蟾魄。瞥過宣和。幾春色。知那箇。柳鬆花怯。曾搓玉團香塗雲
抹。月龍章鳳刻。是如何。兒女消得便孤了。翠鸞何恨人更在天北。
磨滅古今離別。幸相從蘇門仙客。蕭然林下秋葉。對雲淡星疎。眉青
影白。佳人已傾國。漫贏得癡銅舊畫。興亡事。道人知否。見了也華髮。

龍山會

九日

宋 趙以夫

九日無風雨。一笑凭高。浩氣橫秋字。羣峯青可數。寒城小。一水縈迴。如縷。西北最關情。漫遙指東徐南楚。黯消魂。斜陽冉冉。雁聲悲苦。今朝寒菊依然。重上南樓。草草成歡聚。詩朋休浪賦。舊題處。俛仰已隨塵土。莫放酒行疎。清漏短。涼蟾當午也。全勝白衣未至。獨醒凝竚。澡蘭香

競渡

本朝 丁焯

汀蒲戰雨。水荇牽風。綠漲青溪渡口。船張雪幔。燈剪冰丸。好趁洛蘭佳候。聽十番鳳管。鶯笙節接。靈鬣競奏。舊譜新聲。尙是開元妙手。侵夜驪珠爭吐。九井龍翻。蕩開星斗。波光瀲灩。豔倒映。闌干人面。蒸霞中酒。畫簾中笑語。盈盈半露。綳裙紈袖。指簷角。初月如鈞。漫催清漏。

春雲怨

暮春

宋馮偉壽

春風惡劣。把數枝香錦。和鶯吹折。雨重柳腰嬌。困燕子欲扶扶不得。
軟日烘煙。乾風收霧。芍藥荼蘼弄顏色。簾幙輕陰。圖書清潤。日永篆
香絕。盈盈笑靨宮黃額。試紅鸞小扇。丁香雙結。團鳳眉。心倩郎貼。
教洗金罍。共看西堂。醉花新月。曲水成空。麗人何處。往事暮雲萬葉。
雨零鈴

秋別

宋柳永

寒蟬淒切。對長亭晚。驟雨初歇。都門帳飲無緒。方留戀處。蘭舟催發。
執手相看淚眼。竟無語。凝咽。念去去千里煙波。暮靄沈沈。楚天濶。
多情自古傷離別。更那堪冷落清秋節。今宵酒醒何處。楊柳岸。曉風
殘月。此去經年。應是良辰好景虛設。便縱有千種風情。待與何人說。

廢園

本朝 史惟圓

窮秋淒切一池萍冷水面澄澈園亭問是誰主寒蟬無語向人凝咽
砌柳千條應送盡殘照明滅憶當日客散門前詩酒風流總消歇
如塵如夢何堪說只兩行怪石曾相識琴書拋落何處荒徑裏亂鴉
啼徹明月無情依舊飛來天上宮闕都不管人世愁多動是消魂別
眉嫵

新月

宋 王沂孫

漸新痕懸柳澹彩穿花依約破初暝便有團圓意深深拜相逢誰在
香逕畫眉未穩料素娥猶帶離恨最堪愛一曲銀鈞小寶簾挂秋冷
千古盈虧休問嘆漫磨玉斧難補金鏡太液池猶在淒涼處何人
重賦清景故山夜永試待他窺戶端正看雲外山河還老桂花舊影

除夕

本朝 陳維崧

又殘更冉冉。往事星星。短鬢被霜染。夢入屏山路。黃昏近。金荷一盞。慵點濃陰。微糝任小樓和雨輕掩。算今夜笑語香街沸。有春勝雙颭。思念愁多類。麝記簾窺秀黛。柱映嬌臉。詎意分飛後。相思苦淚滴。桃笙紅淡長。江天塹。沉萬重。敗驛荒店。料此際有人。只爲我翠蛾歛。探春

雪霽

宋張炎

銀浦流雲綠。房迎晚一抹。牆腰月淡暖。玉生香。懸冰解凍。碑滴瑤堦。如霰纔放些。情意早瘦了。梅花一半也。知不作花香。東風何事吹散。搖落似成秋苑。怎釀得春來。怕教春見。野渡舟回前村。門掩應是不勝清怨。次第尋芳去。灞橋外蕙香波暖。猶聽簷聲看燈人在深院。

綺羅香

春雨

宋史達祖

做冷欺花。將煙困柳。千里偷催春暮。盡日冥迷。愁裏欲飛還住。驚粉重。蝶宿西園。喜泥潤燕歸南浦。最妨他佳約風流。鈿車不到杜陵路。沈沈江上望極。還被春潮晚急難尋官渡。隱約遙峯和淚。謝娘眉嫵。臨斷岸新綠。生時是落紅帶愁流處。記當日門掩梨花。剪燈深夜語。

秋雨

陳允平

雁宇蒼寒。蛩疎翠冷。又是淒涼時候。小揭珠簾。衣澗唾花羅縷。洗曉鷺。獨立衰荷。遡歸燕尙棲殘柳。想黃華羞澁。東籬斷無新句。到重九。孤檠清夢易覺。腸斷唐宮舊曲。聲迷宮漏。滴入愁心。秋似玉樓人瘦。煙檻外。催落梧桐。帶西風亂捎鴛鴦。記畫簾燈影沈沈。共裁春夜韭。

紅葉

張炎

萬里飛霜。千山落木。寒艷不招春。妒。颯冷吳江。獨客又吟愁句。正船
艤流水。孤村似花。繞斜陽。芳樹甚荒溝。一片淒涼。載情不去。載愁去。
長安誰問倦旅。羞見衰顏借酒。飄零如許。漫倚新粧。不入洛陽花
譜。爲回風起舞。樽前盡化作斷霞。千縷記陰陰。綠遍江南。夜窗聽暗
雨。

舟次

元張翥

燕子梁深。秋千院冷。半濕垂楊煙縷。怯試春衫。長恨踏青期阻。梅子
後。餘潤留寒。藕花外。嫩涼銷暑。漸驚他秋老。梧桐蕭蕭。金井斷蛩暮。
薰篝須待被暖。催雪新詞未穩。重尋笙譜。水閣雲窗。總是慣曾經
處。曾信有客裏關河。又怎禁。夜深風雨。一聲聲。滴在疎篷。做成情味
苦。

落花

本朝宋徵輿

寒食煙消。清明霧冷。一日便教春暮。千里飛花。目送滿天紅雨。乍吹來深院。珠簾又舞。向小橋官渡。血模糊。萬點臙脂。杜鵑啼盡行人路。
畫眉閣上窗開。爲問緋桃。穠李頓歸何處。芳草池中。已被輕潮流去。空自說薄倖。天涯早斷送。豔陽無數。向殘英泣望東風。夜深吹不住。

雨

施紹華

細不如絲。輕偏抵絮。別館層樓如霧。綠漲風迴。梅子青黃。無數侵綺席。溼帶歌霏。上翠袖冷。和人舞。最難描一種。淒涼。今宵酒醒。打窗處。
平平潮長晚急。正一水人雙隔。沈沈綠樹。泣柳啼花。如此畫橋南浦。幾箇笠收網。人歸一肩簑。賣花人去。是誰向暗室昏燈。短香消半炷。

十六夜

梁清標

曉雪纔晴。華燈再耀。粧點春城如畫。一刻千金欲買。良宵無價。曲闌倚檀口。瑤笙六街。騁玉鞭。嬌馬氣氤氳。飛霞雕簷。銀花釵。色光相射。繡窗眉嬾試看。宛似昔年京兆。風流重話。焰吐芙蓉。處處酒旗歌榭。橋邊女笑。倩人扶笛裏。梅落來堪把。拋紅豆。誰結同心。趁蟾蜍漸下。

霜花腴

重陽前

宋 吳文英

翠微路窄。醉晚風、憑誰爲整。欹冠霜飽。花腴燭銷。人瘦秋光。做也都難病。懷強寬恨。雁聲偏落歌前。記年時舊宿。淒涼暮煙。秋雨野橋寒。粧壓鬢。英爭艷。度清商。一曲暗墜金蟬。芳節多陰。蘭情稀會。晴暉稱拂吟牋。更移畫船。引珮環。邀下嬋娟。算明朝未了重陽。紫萸應耐看。

月中桂

送別

宋 趙彥瑞

露醕無情送長歌未終已醉離別何如暮雨釀一襟涼潤來留佳客
好山侵座碧勝昨夜疎星淡月君欲翩然去人間底許員疇問帆席
詩情病非疇昔賴親朋對影且慰良夕風流雨散定幾回腸斷能
禁頭白爲君煩素手薦碧藕輕絲細雪去去江南路猶應水雲秋共
色

花心動

落梅

元 黃子行

誰倚青樓把謫仙長笛數聲吹裂一片乍零千點還飛正是雨晴時
節水晶簾外東風起卷不盡滿庭春雪畫欄小斜鋪亂颭翠苔成纈
嫋嫋餘香未歇空悵望音塵兩眉愁切翠袖淚乾粉額妝寒此恨

有誰同說江南春。信無痕跡。餘情在冷煙殘月。夢魂遠。蘭燈伴人易滅。

永遇樂

綠陰

宋蔣捷

清逼池亭。潤侵山閣。雲氣凝聚。未有蟬前已無。蝶後。花事隨流水。西園支徑。今朝重到。半礙醉筇吟袂。除非是鶯身瘦。小暗中引雛穿去。梅簷滴溜。風來吹斷。放得斜陽一縷。玉子敲枰。香綃落剪。聲度深幾許。層層離恨。淒迷如此。點破漫煩輕絮。應難認。爭春舊館。倚紅杏處。

七夕

趙以夫

雲雁將秋。露螢照夜。涼透窗戶。星網珠疎。月奩金小。清絕無點暑。天孫河鼓。東西相望。隱隱光流華渚。妝樓上青瓜玉果。多少駮兒癡女。

金鍼暗度。蛛絲密結。便有繫人心處。經歲離思。霎時歡愛。愁緒空
萬縷。人閒天上一。般情味。枉了錦箋。囑付又何似。吹笙仙子。跨黃鶴
去。

柳絮

本朝
宋 擘

望去非花飄來。凝雪輕薄如許。未作浮萍已離深樹。此際誰爲主。隋
堤三月。幾回翹首。一片漫天飛舞。最堪憐。無根無蒂。總被東風弄汝。
踏歌魏女。離情多少。問道春光何處。乍撲空簾。旋黏芳徑。好倩鶯
啣取。還思往日。鶯黃初染。變態頓分。令古枉垂著。長條踈地。綰伊不
住。

春從天上來

超然臺

本朝
吳 綺

雨過知春。把萬壑千巖。盡滿晴雲。舊遊重到。攜取芳樽。班荆共坐。嶙

岫愛朝來風日較。往昔益覺清芬。但開眸有春山如髻。春水一鱗
依然去年醉處。聽碧管紅絃。已換閒人雪。帶梅鬢金舒柳帶。江湖著
意翻新。問風流蘇白。今如在畫裏乾坤。酒微醺。試振衣一嘯。煙靄紛
紛。

送入我門來

贈歌伶

本朝 周稚廉

青粉牆頭綠珠簾。彩棚高矗雲端。年少彭郎眉學小。姑攬葵花淡
寫泥金扇。更榴火低簪碧玉冠。鴛鴦帕偷換。息肥仙藥。香窸雙丸。
初見十三年紀。認得髮鬆髻小。腰細衫寬。曲榭重逢。往事異悲歡。尊
前譜我淋冷調。與滴雨新梅一樣酸。看舞餘欲墜。歌餘微喘。不忍催
完。

瀟湘逢故人慢

初夏

宋 王安禮

薰風微動。方榴花弄色。萱草成窩。翠帷做輕羅。試冰簟初展。幾尺湘波。疎檐廣厦。稱瀟湘。一枕南柯。引多少。夢魂歸緒。洞庭雨棹。煙簑驚回處。閒晝永。更時時。燕雛鶯友。相過。正綠影婆娑。況庭有幽花。池有新荷。青梅煮酒。幸隨分。贏取。高歌功名事。到頭終在。歲華忍負。清和。

歸朝歡

春遊

宋 馬莊父

聽得提壺沽美酒。人道杏花深處有。杏花狼藉鳥啼風。十分春色。今無九。麝煤銷永晝。青煙飛上庭前柳。畫堂深不寒不煖。正是好時候。團團寶月。憑纖手。暫借歌喉。招舞袖。眞珠滴破小槽紅。香肌縮盡。纖羅瘦。投分須白首。黃金散與親和舊。且銜杯。壯心未落。風月長相。

守

南浦

春水

宋張炎

波暖綠粼粼。燕飛來。好是蘇堤纔曉。魚沒浪痕。圓流紅去。翻喚東風
難歸。荒橋斷浦。柳陰撐出扁舟小。回首池塘青欲遍。絕似夢中芳草
和雲流出空山。甚年年淨洗花香。不了新綠乍生時。孤村路猶憶
那回曾到。餘情渺渺。茂林觴詠如今悄。前度劉郎從去後。溪上碧桃
多少。

秋水

本朝曹貞吉

片月映寒汀。碧澄澄。人對江山清曉。綠淨繞柴扉。晴磯上已有垂楊
先。蘆花似雪。連拳鷺占圓沙小。淡抹遙天。渾一色夾岸黏雲。衰草
百川爭赴長河。看魚牀燈火黃昏近了。白露老蒹葭。清歌發無數。

宋菱船到平湖浩渺芙蓉落盡空潭悄又是霜明渚冷此際撈蝦人少

合歡帶

賀婚

本朝
汪鶴孫

小陽天池草生春錦帳啟繡幃溫翠管生花剛有夢賦催粧仔細評
論雲屏遙敞湘簾掩映客倒金尊聽笙歌沓奏遍燃絳蠟已近黃昏
花輿簇擁寶帶繽紛銀蟾恰照朱門彩扇迎風遮半面篆煙裏搖
颺羅裙凝眸小睨脂香暗襲黛隱螺痕剔銀煤緩卸釵鈿問郎真箇
銷魂

尉遲杯

小蓬萊

宋
吳文英

垂楊選洞鑰啟時遣流鶯迎涓涓暗谷流紅應有緗桃千頃臨池笑

靨春色滿。桐華弄粧影。記年時。試酒湖陰。褪花曾采新杏。蛛窗繡
網。玄經纔石硯。開奩雨潤雲凝。小小蓬萊香。一掬愁不到。朱嬌翠靚。
清樽伴人閒。永日斷琴和碁聲。竹露冷。笑從前。醉臥紅塵。不知仙在
人境。

解連環

柳

宋高觀國

露條煙葉惹長亭。舊恨幾番風月。愛細縷。先牽輕黃。漸拂水藏鴉翠。
陰相接。纖軟風流。眉黛淺。三眠初歇。奈年華又晚。紫紵游蜂。絮飛晴
雪。依依灞橋怨別。正千絲萬緒。難禁愁絕。悵歲久。應長新條。念曾
繫花驄。屢停蘭楫。弄影搖晴。恨閑損。春風時節。隔郵亭。故人望斷。舞
腰瘦怯。

蘆花

本朝錢芳標

暮江蕭瑟滿江洲。點綴楚天秋色。映一片錦樹枯荷，肯漫學東風柳
綿無力。雪意垂垂，恰藏箇小船吹笛。伴閒漁，露頂宿鷺，聯拳一般頭
白。宵來緒風漸側，捲銀濤萬點，頽岸千尺。認空濛霧雨聲中，卻蟾
影低篩雁程。遙碧憔悴徐娘，悵老去風情非昔。記年時湔裙水畔，嫩
芽乍坼。

望湘人

水仙

本朝魏坤

盼牆腰月淡。籬角煙疎。霜根雪裏催發。短葉攢葱，駢枝綴玉，檀蓋擎
來孤絕。一點芳心相依歲晚，忍教輕折。料冰姿只伴梅花，不受春風
窺蝶。曾記繡簾低揭。見數莖插向，膽瓶幽澈。正香冷牕紗，飛上髻
雲凝結。薄寒剪剪，襪塵微步，未許銅盤吹滅。對鏡裏幾曲屏山，蹙起
翠波千疊。

望海潮

洛陽懷古

宋秦觀

梅英疎淡。冰漸溶洩。東風暗換年華。金谷俊遊。銅駝巷陌。新晴細履。平沙長記。誤隨車。正絮翻。蝶舞。芳思交加。柳下桃蹊。亂分春色。到人。家。西園夜飲。鳴笳有華燈。礙月飛蓋。妨花蘭苑。未空行人。漸老重來。事事堪嗟。煙暝酒旗斜。但倚樓極目。時見棲鴉。無奈歸心。暗隨流水到天涯。

折紅梅

紅梅

宋杜安世

喜輕澌初綻。微和漸入郊原時節。春消息。夜來陡覺紅梅數枝爭發。玉溪珍館。不似箇尋常標格。化工別與一種風情。似勻點。臙脂染成。香雪。重吟細閱。比繁杏天桃。品流終別。可惜彩雲易散。冷落謝池。

風月憑誰向說。三弄處龍吟。休咽。大家留取時倚闌干。聞有花堪折。勸君須折。

歷朝名人詞選卷十三目次

長調

奪錦標 一首

一萼紅 一首

薄倖 一首

八寶粧 一首

疎影 五首 又名綠意

內家嬌 一首 卽雙調風流子

過秦樓 一首 又名蘇武慢 惜餘春慢

霜葉飛 一首

五綵結同心 一首

丹鳳吟 一首

沁春園

六首

又名壽星明

摸魚兒

五首

又名買陂塘

陂塘柳

安慶摸

賀新郎

五首

即金縷曲

賀新涼

貂裘換酒

金明池

一首

春風嫋娜

一首

蘭陵王

一首

大酺

一首

玉女搖仙佩

一首

多麗

二首

又名綠頭鴨

六醜

一首

即箇儂

六州歌頭

一首

小諾臯

一首

寶鼎現 一首

戚氏 一首

鶯啼序 一首

歷朝名人詞選卷十三

清綺軒原本

華亭夏秉衡選

長調

奪錦標

七夕

元張埜

涼月橫舟銀潢浸練萬里秋容如拭冉冉鸞驂鶴馭橋倚高寒鵲飛
空碧問歡情幾許早收拾新愁重織恨人間會少離多萬古千秋今
夕誰念文園病客夜色沈沈獨抱一天岑寂忍記穿針亭榭金鴨
香寒玉徽塵積凭新涼半枕又依稀行雲消息聽聽前淚雨浪浪夢
裏簷聲猶滴

一萼紅

訪梅廬

本朝陳維崧

屐初停見亂杉深巷門徑已空幽一派風廊幾楞鈞檻微茫人在滄
洲軒子外蒼皮怒裂更紅魚碧鴨漾銅溝屋小如暉齋虛似舫萬籟
颼颼到便槿琴啜茗向水邊企腳林下科頭卿論殊佳吾狂已甚
世間一笑浮漚儘盡日談空說鬼早荳花棚上月如鈎再噴數聲風
笛催動新秋

薄倖

春情

宋賀鑄

淡粧多態更滴滴頻迴盼睐便認得琴心先許欲綰合歡雙帶記畫
堂風月逢迎輕顰淺笑嬌無奈待翡翠屏開芙蓉帳掩羞把香羅暗
解自過了燒燈後都不見踏青挑菜幾回憑雙燕丁甯深意往來
卻恨重簾礙約何時再正春濃酒困人閒晝永無聊賴厭厭睡起猶
有花梢日在

八寶粧

憶舊

宋李甲

門掩黃昏。畫堂人寂。暮雨乍收殘暑。簾捲疎星。庭戶悄。隱隱嚴城鐘鼓。空塔煙暝。半開斜月。朦朧銀河澄淡。風淒楚。還是鳳樓人遠。桃源無路。惆悵夜久。星繁碧雲望斷。玉簫聲在何處。念誰伴。茜裙翠袖共攜手。瑤臺歸去對修竹。森森院宇。曲屏香煖。凝沈炷。問對酒當歌情懷記得劉郎否。

疎影

詠梅

宋姜夔

苔枝綴玉。有翠禽小小。枝上同宿。客裏相逢。籬角黃昏無言自倚。修竹。昭君不慣胡沙遠。但暗憶江南江北。想珮環月下歸來。化作此花幽獨。猶記深宮舊事。那人正睡裏。飛近蛾絲。莫似春風。不管盈盈。

早與安排金屋。還教一片隨波去。又卻怨玉龍哀曲。等恁時重覓幽香已入小牕橫幅。

梅影

張炎

黃昏片月似滿地。碎陰還更清絕。枝北枝南。疑有疑無。幾度背燈難折。依稀倩女離魂處。緩步出前村時節。看夜深。竹外橫斜。應妒過雲明滅。窺鏡蛾眉淡掃。爲容不在貌。獨抱孤潔。莫是花光。描取春痕。不怕麗譙吹徹。還驚海上。燃犀去。照水底珊瑚疑活。做弄得酒醒天寒。空對一庭香雪。

梅影

周密

冰條凍葉。又橫斜照水。一花初發。素壁秋屏。招得芳魂。彷彿玉容明滅。疎疎滿地。珊瑚冷。全誤卻。撲花幽蝶。甚美人忽到窗前。鏡裏好春難折。閒想孤山舊事。浸清漪。倒映千樹殘雪。暗裏東風。可慣無情。

攪碎一簾香。月輕粧誰寫。崔徽面認。隱約煙梢重疊。記夢回紙帳殘燈瘦。倚數枝清絕。

蛛網

本朝曹貞吉

柔絲幾縷。學柔腸亂結。蒼牙低處。雨溼還明。一任風吹。時有晴塵凝聚。多情慣惱。閒蜂蝶更惹。徧落英飛絮。憶那回拂面牽衣也。解暫留人住。一一疎籬都看。晚紅屋角。又添如許。記得前宵。鈿盒齊開。輸與癡騃兒女。怪他不礙愁城路。只隔斷夢來魂去。把花枝欲拭還休。獨自凭闌情緒。

帆影

李符

雙橈且住。趁風旌五兩。挂席吹去。側浸紋波。一片橫斜。不礙招來鷗鷺。忽遮紅日。江樓暗。只認是涼雲飛度。待翠蛾簾底。憑看已過。幾重煙浦。搖漾東西不定。乍眠碧草上。旋入高樹。荻渚楓灣。宛轉隨人。

消盡斜陽。今古有時。淡月依稀。見總添得客愁。淒楚夢醒來。雨急潮
渾。依榜又無尋處。

內家嬌

夜飲

本朝
萬錦雯

清明已過了。餘寒淺。夜色淨娟娟。正燭蠟高燒。紅分燕尾。繡簾低揭。
香煖龍涎。闌干外。嬌鶯分樹坐。倦蝶抱花眠。印石痕斑苔紋。浸月舞
堤影。轉柳帶拖煙。閒人如我。少堪嘯傲。何況勝景。今偏念此光陰。
過隙莫負晴天。任玉笛教吹梅花。盡落金樽。不放竹葉。傾全只怕來
朝風雨。催散良緣。

過秦樓

秋夜

宋
周邦彥

水浴清蟾。葉喧涼吹。巷陌馬聲初斷。閒依露井。笑撲流螢。惹破畫羅

輕扇人靜夜久凭闌愁不歸眠立殘更箭嘆年華一瞬人今千里夢
沈書遠空見說鬢怯瓊梳容銷金鏡漸嬾趁時勻染梅風地溼虹
雨苔滋一架舞紅都變誰信無聊爲伊才減江淹情傷荀倩但明河
影下還看疎星幾點

霜葉飛

黃芽菜

本朝
沈皞日

曉鋤煙際苔泥淺籬根深種沙觜層層分葉細抽心勻注陂塘水便
一似菱鮮藕脆霜天生摘斜畦裏看凍抱筠籠翠袖護纖纖不用井
華重洗炊火檢點山厨并刀初試也勝萼滑風味調辛寸煮青羹
貯香沁牙齦美佐冷淡晶盤久矣春三秋九園丁事挽小車聲聲喚
曲巷層門半年燕市

五綵結同心

感舊

本朝 及丹生

惠山東畔黃公壚側。何人爛醉歌眠。惟有重來客。依稀稀聽山頭雨。過
飛泉。元龍百尺。千霄氣空淒。斷落雁寒蟬。是誰遣風流杜牧。幽情追
記難全。而今揚州花謝。祇月明千里。枉托冰絃。夢破櫻桃淚痕濕。
透恰比驛路啼鶻。鄰家唱出離筵曲。數不盡。遠道綿綿。風狂煞半簾
霜曉。琵琶亭下江船。

丹鳳吟

春恨

宋 周邦彥

迤邐春光無賴。翠藻翻池。黃蜂遊閣。朝來風暴飛絮亂。投簾幕。生憎
暮景倚牆臨岸。杏靨天邪。榆錢輕薄。晝永思惟。傍枕睡起。無慘殘照。
猶在庭角。況是別離氣味。坐來便覺心緒惡。痛引澆愁酒。奈愁濃
如酒。無計銷鑠。那堪昏暝。簌簌半簷花落。弄粉調朱。柔素手。問何時

重握此時此意長怕人道著

沁園春

美人足

宋劉過

洛浦凌波爲誰微步輕生暗塵記踏花芳徑亂紅不損步苔幽砌嫩
綠無痕襯玉羅慳銷金樣窄載不起盈盈一段春嬉遊倦笑教人款
捻微褪些根有時自度歌聲悄不覺微尖點拍頻憶金蓮移換文
鴛得侶繡茵催袞舞鳳輕分懊恨深遮牽情半露出沒風前煙縷裙
知何似似一鈎新月淺碧籠雲

美人眉

元邵亨貞

巧鬪鸞環纖凝嫵媚明粧未收似江亭曉望遙山拂翠宮簾暮捲新
月橫鈎埽黛嫌濃塗鉛訝淺能畫張郎不自由傷春倦爲皺多無力
翻做嬌羞填來不滿橫秋料養得人閒多少愁記魚箋緘啟背人

偷斂鴈鈿交併。運指輕柔。有喜先占長顰。難效柳葉輕黃。今在不雙。尖鎖試臨鸞一展。依舊風流。

美人目

漆點填眶。鳳梢侵髻。天然俊生。記隔花瞥見。疎星炯炯。倚闌凝注。止水盈盈。端正窺簾。曹騰竝枕。睥睨檀郎。長是青端相久。待嫣然一笑。密意將成。因酣曾被鶯驚。強臨鏡。援抄猶未醒。憶帳中親見。似嫌羅密。尊前相顧。翻怕燈明。醉後看承。歌闌鬪弄。幾度孜孜。頻送情難忘處。是鮫綃。搵透別淚。雙零。

美人指甲

沈景高

新脫魚鱗。平分鸞管。愛勒眉彎。記搯恨香蕉。愁悰細說。劃情嫩竹。怨曲新翻。纔貼梅鈿。旋挑鉛粉。繡領重交。猶道寒嬌無奈。笑輕拈杏帶。淺揭湘斑。宮棋也學偷彈。時綰就同心。羞自看。解傳杯頻賭。藏闔

羅袖歸鞭重數刻。印闌干、暗解綃囊。倦調瑤瑟，餵蕊鶯兒，繡閣閒凝情處。把爪犀漫剝，消遣春閒。

山居

本朝王紹

徙倚柴門如許。春光幽思無聊。漸淺藻浮青煙生。溪口長松分翠晴。蔽山椒。斷續人家參差林麓。宮道遙通大石橋。香風起。又吹殘穠李。落盡天桃。竹籬夾住牆腰。更北舍東鄰。屋覆茅。喜叱叱村童。畦邊驅犢。烏鳥漁父。浦外鳴橈。時見斜陽平連蒼莽。荷鍤隨身。下採樵。都休問。問王孫芳草。愁絕魂消。

咏煙

閩秀張繫

竹影搖窗。瓶花落案。晝景依然。奈春困難支。宿醒未解。鳳團初熟。獸炭猶燃。漫檢湘囊笑拈銀管。金屑慘慘素指。傳湘簾外。裊雲煙一縷。繚繞花前。闌干徙倚。俄延漸粉腕。嬌凭小婢肩。任寶鴨香消。爍添

蘭麝雲鬢斜墮。慵整珠鈿。半晌曹騰片時掩冉。一枕邯鄲。別有天還堪戀。怕柔腸乍冷。願與流連。

摸魚兒

咏蓴

宋唐珙

漸滄浪。凍痕銷盡。瓊綠初漾。明鏡鮫人夜。剪龍髯滑織就。水晶簾冷。鳧葉淨。最好似嫩荷。半捲浮晴影。玉流翠凝。早枯豉融。香紅鹽。和雪醉齒嚼。清瑩。功名夢。曾被秋風喚醒。故人應動高興。悠然世味。渾如水。千里舊懷誰省。空對景。奈回首。姑蘇臺畔。愁波暝。煙寒夜靜。但只有芳洲蘋花。與老何日。泛歸艇。

送春

陳允平

倚東風。畫闌十二。芳陰簾幕低護。玉屏翠冷。梨花瘦。寂寞小樓煙雨。腸斷處。悵折柳柔情。舊別長亭路。年華似羽。任錦瑟聲寒。瓊簫夢遠。

羞對綵鸞舞。文園賦重憶，河橋眉嫵。啼痕猶濺，紈素丁香共結相
思恨。空託繡羅金縷。春已暮，縱燕約鶯盟，無計留春住。傷春倦旅，趁
暗綠稀紅，扁舟短棹，載酒送春去。

燈花

元李天驥

又何須向明還滅。寒花點綴孤影。玉龍渡海，吹魚浪煙淡。寶釵橫髻
斜又整。是蟲滴驪珠兩兩相交頸。夜長人靜，恁玉果低拋。金錢暗卜
此意有誰領。歡娛事料想憑伊先應。怕綃新淚猶凝。銀篦未忍輕
挑去。只恐暗風吹燼。重記省。怕莫是明朝有箇青鸞信。怎知無定算
只解窺人人孤影。隻成瘦。又成病。

春雨

本朝沈岸登

但庭前棟花風過。疎疎零落。堦砌朝雲未破。重幃夢故作。廉纖天氣
春去矣。拚滿眼紅酣綠睡。留無計。踏春曾幾。自桃菜歸來。前裙去後。

鎮日小門閉。更慵把鏡檻簾鈎挂起。淒迷還亂人意。無邊煙草，天涯路迷，卻狂夫歸騎。最恨是、辜負了雙鬟小鳳，釵頭膩。誰憐不寐，任午簾將愁夜篝，做冷聽到打牕細。

讀史

龔勝玉

檢芸編。幾行青史。閉門消盡秋雨。江山零落如殘奕。付與漁樵共語。評跋處。有多少英雄割據。爭龍虎。煙飛雲聚。算繡領官前。延秋門外。往事若朝露。思往事。減得愁懷幾許。紛紛成敗。休訴橫戈躍馬。今安在。總被大江流去。歸何所。君不見北邙高臥麒麟墓。君須記取看。誰是誰非。低回掩卷。一醉論今古。

賀新郎

端午

宋 劉克莊

思遠樓前路。望平隄、十里湖光。畫船無數。綠葢盈盈。紅粉面、葉底荷

花解語鬪巧結同心雙縷尙有經年離別恨一絲絲總是相思處相見也又重午清江舊事傳荆楚歎人情千載如新尙沈菰黍且盡樽前今日醉誰肯獨醒甲古泛幾盞菖蒲綠醕兩兩龍行爭競渡奈珠簾暮捲西山雨看未足怎歸去

春晚

葉夢得

睡起啼鶯語掩蒼苔房櫳向晚亂紅無數吹盡殘花無人見惟有垂楊自舞漸暝靄初回輕暑寶扇重尋明月影暗塵侵尙有乘鸞女驚舊恨遽如許江南夢斷衡臯渚浪黏天葡萄漲綠半空煙雨無限樓前滄波意誰採蘋花寄取但悵望蘭舟容與萬里雲颿何時到送孤鴻目斷千山阻誰爲我唱金縷

初夏

趙善扛

晝永重簾捲乍池塘一番過雨芰荷初展竹引新梢半含粉綠蔭扶

疎滿院。過花絮。蝶稀蜂懶。窗戶沈沈。人不到。伴清幽。時有流鶯轉。凝思久。意何限。玉釵墜枕。風鬢顛。湛虛堂。壺冰瑩。徹簾波零亂。自是仙姿清。無暑月。影空隨。素扇破。午睡香銷餘篆。一枕湖山千里。夢正白蘋煙棹歸來。晚雲弄碧。楚天遠。

詠鴉

本朝
曹貞吉

鴉陣來沙渚。逗輕寒。霜天一抹。晚紅如縷。掠下晴窗。驚帛裂。影逐斷雲歸去。伴黃葉。蕭蕭亂舞。寒話空林。飛且止。似商量。明日風兼雨。聲啞啞。倩誰訴。黃雲城畔。知無數。趁星稀。月明三匝。一枝休妬。雁字橫斜。分幾點。極目江村。煙樹惆悵。煞落霞。孤鶩啼向碧。紗堪憶。遠最淒涼。織錦秦川女。空房宿。泪偷注。

雪窗

陳
鶚

風裂彤雲罅。喜朝來。斲冰舉網。得鱸爲鮓。把醖恍疑瑤闕。坐四顧。寒

光激射。看一色難分。高下欲訪前村梅信息。便芒鞋。踏冷何須怕。携
榔。標酒瓢挂。檐端驀訝。蟻珠瀉。早裝成。疎籬矮屋。天然圖畫。艷煞
旗亭沽酒客。十里銀沙印馬聽。羯鼓。雛伶擲。打笑我。生涯偏淡泊。算
吟成誰和。劉叉者。烹石鼎。醉相籍。

金明池

茉莉

本朝 史惟圓

嶺外幽香移來江左。姿韻天然雅素。紅日永薰風輕扇。似冰玉不畏
炎暑。漸黃昏。月隱紗幮。偏只到枕上屏開。香聚看爛若堆銀。皎如凝
雪。蟬鬢枝枝嬌嬈。天上弄娥。凌空度。想墮粉遺鉛。不教塵污。結伴
有蘭姨瓊姊。歸路在玉峯瑤圃。向人閒逞弄妖姿。卻散滿清芬。伴君
吟苦。試攜取香甌。貯將茗椀。共爾夜深低語。

春風嬈娜

游絲

本朝 朱彝尊

倚東君。著力繫住韶華。穿小徑、漾晴沙。正陰雲籠日。難尋野馬。輕颺染草。細縮秋蛇。燕蹴還低。鶯銜忽溜。惹卻黃鬚無數花。縱許悠揚度。未戶終愁人影。隔窗紗。惆悵謝娘池閣。湘簾乍捲。凝斜眄。近拂簷牙。疎籬罨。短垣遮。微風別院。明月誰家。紅袖招時。偏隨羅扇。玉鞭裊處。又逐香車。休憎輕薄。笑多情似我。春心不定。飛夢天涯。

蘭陵王

送春

宋 劉辰翁

送春去。春去人閒。無路秋千外。芳草連天。誰遣風沙暗。南浦依依甚。意緒漫憶海門飛絮。亂鴉過。斗轉城荒。不見來時試燈處。春去最誰苦。但箭鴈沈邊。梁燕無主。杜鵑聲裏長門暮。想玉樹凋土。淚盤如露。咸陽送客。屢回顧。斜日未能渡。春去尙來否。正江令恨別庾信。

愁賦蘇堤盡日風和雨歎神遊故國花記前度人生流落顧孺子共
夜語

大酺

中秋

本朝 張淵懿

看晚風纖鱗雲薄一片冰輪乍起樓臺深院落把眞珠高揭素娥相
對桂影扶疎桐陰歷亂蕩漾金波似水夜闌香燼後儘清輝皎澈照
人無寐歎碧海青天雲鬢霧鬢這般情味離懷千萬里料今夕同
隕關山涕休更道華燈燭滅寶鏡塵封淒涼昏曉空垂淚種種傷心
事都迸入寒蟬聲裏轉蕭瑟如何睡遣愁不去捱到銀蟾西墜來宵
依舊恁地

玉女搖仙佩

館娃宮

本朝 董元愷

春鶯啼。早無賴。東風綠徧吳宮。花草鳳閣銅鋪。龍舟水戲。白玉牀中。醉倒萬斛梁塵繞。奈金壺銀箭。豈能長保。忽轉眼。香消茂苑。響屐廊空。硯池波小。看脂粉。塘邊雨洗。遺鈿數枝紅蓼。別院梧桐影裏。一葉驚秋。此夜愁添多少。麋鹿遊時。鷓鴣飛處。國破西施一笑。聽徹菱歌。悄試問。破吳後。越還同沼。總不似。招提佛號。晨鐘夢醒。月林清影。來相照。琴臺上。幾聲長嘯。

多麗

西湖

元張翥

晚山青。一川雲樹冥冥。正參差。煙凝紫翠。斜陽畫出南屏。館娃歸吳。臺遊鹿。銅仙去。漢苑飛螢。懷古情多。憑高望極。且將尊酒。慰飄零。自湖上愛梅仙遠。鶴夢幾時醒。空留得。六橋疎柳。孤嶼危亭。待蘇堤。歌聲散盡。更須攜妓。西冷藕花深雨涼。翡翠菰蒲軟。風弄蜻蜓。澄碧

生秋鬧紅駐景。採菱新唱最堪聽。見一片水天無際。漁火兩三星。多情月爲人留照。未過前汀。

炙硯

本朝 吳梅鼎

買香醪。端溪一硯先澆。好賓朋寒來疎懶。只伊常伴昏朝。弄險縈雲生。膚寸濡兔穎。花落秋濤。瓦說雀臺。石稱龍尾。文河蝌蚪欲隨潮。忽報道霜飛地裂。墨海凍蒼蛟。詩成處。玄珠欲滴。何計揮毫。未能拋藥爐堆火。偏宜借熱相邀。總輸他金壺注汁。應由我獸炭融膏。一氣呵來。千言寫盡。長吟短咏十分豪。還須避浮塵點灑。宿瀋玷瓊瑤。誰親捧盈盈粉腕。小襯紅綃。

六醜

聽琵琶

本朝 董元愷

正蕭條。旅館悵永夜。殘燈夢淺。逸韻飄來。絕藝誰能擅。珠繩斜轉。恰

玉奴十五檀槽初撥寫春風幽怨一鼓再鼓梁塵滿瑟瑟眞珠淙淙
細澗都在輕籠慢撚更催藏掩抑四絃千徧調當入變忽驚雷掣
電促節餘音碧雲哀雁風風雨雨窗畔共指閒風雨聲聲相亂似兒
女呢呢低喚把無數暗恨深愁付與曲終人遠傷心也舊家庭院想
天涯惟有青衫淚不堪消遣

六州歌頭

僮約

本朝

鄒祇謨

僮來語汝約法告兒曹吾所命只數事汝毋囂記來朝紅藥闌干畔
縛棕帚摩苔石除菊蠹移蘭益早須澆庭際幾頭丹鯽戲蘋藻粉
餌時調便問將短竹扶植美人蕉彈雀驅臬莫逍遙宜勤應答捷趨
走護書篋整詩瓢燕几側博山內水沈燒火毋焦煮茶鑄須熟候蟹
眼聽松濤吾無事痛飲酒讀離騷若有客來時候須滌盞頻進香

醪且抱琴吹笛長醉侶漁樵門掩無敲

小諾臯

夏雨

本朝 陳維崧

密麗脩梧輕敲疎竹一雨碧天如此正日長亭院無膠羈人徙倚滿
目煙潭草閣多少紅蘭白芷更明珠瀉向荷錢容易極浦沈沈前汀
瀰瀰又小樓玉簫聲澁吹入愁人心裏無限事思量起此際凭欄
幾回推枕總是故園千里忘不了冰簟生寒玉釵著水風景而今依
舊無奈鬢絲不似拚流落楚尾吳頭而已今夜樓中明朝篷底便瀟
湘宋玉悲秋未必此情堪比天欲暮雨不止

寶鼎現

訪友

本朝 佟世南

長林雨過山翠如沐鳥啼相應繞城堞攀雲獨上點點嫩苔生小徑

高嶺外聽清風乍起吹落半天鐘磬卻最愛名藍幽寂佛火嵐光相
映盡日門掩無人到任閒庭雲臥花冷回首望湖光咫尺一片澄
波如拭鏡喜二妙並幽棲無事占盡晨光暮景嘆今日詩才畫手誰
向藝林馳騁爾我相攜共遊賞豈辭新咏更清泉瑩玉花椀香浮
綠茗促坐語笑渾忘永歸路寒煙暝振衣袂長嘯高岡卻把千山喚
醒

戚氏

秋夜

宋柳永

晚秋天一霎微雨洒庭軒檻菊蕭疎井梧零亂惹殘煙淒然望江關
飛雲黯淡夕陽閒當時宋玉悲感向此臨水與登山遠道迢遞行人
淒楚倦聽隴水潺湲正蟬鳴敗葉蛩響衰草相應聲喧孤館度日
如年風露漸變悄悄至更闌長天靜絳河清淺皓月嬋娟思綿綿夜

永對景那堪。屈指暗想從前。未名未祿綺陌紅樓。往往經歲遷延。
帝里風光好。當年少日。暮宴朝懽。況有狂朋怪侶。遇當歌對酒。競留
連。別來迅景如梭。舊遊似夢。煙水程何限。念利名憔悴長縈絆。追往
事空慘愁顏。漏箭移。稍覺輕寒。聽鳴咽。畫角數聲殘。對閒窗。畔停燈
向曉。抱影無眠。

鶯啼序

春遊

本朝
林 枚

驚覺春眠。是窗外乍啼黃鳥。開簾視快拂重檐。飛度花梢樹杪。憑閣
遙瞻。雲海際。蒼茫黛色晴山曉。向城南游賞。陌上行人多少。越布
爲衫。齊紈裁扇。錦帶垂吳縞。映仙裙。風外徐飄。輕拂珠塵如埽。望平
蕪。芳草萋萋。正王孫關情未了。更穠桃夾岸。芬菲漁舟不到。依依
楊柳。飛絮垂絲可愛。繞畫橋清沼。落蕊暗飄。香淺碧微。噴亂紅含笑。

深院無人。曲欄有美。數聲紫燕。空梁噪看。羅襪雙彎。行靜悄。凌波微步。苔痕一徑。斜分淖約處。情思攪。堪憐嬌困。整衣無力。倦態腰肢。裊見說檀郎此日。斗酒雙柑。攪穉促坐。風流妍好。微醒猶醉。踏青歸路。紅樓十里。笙歌起。漸平沙落日。銜殘照。不妨且繫青驄。漫結同心。來尋蘇小。